



Na osnovu člana 17. tačka 22. Zakona o Visokom sudskom i tužilačkom vijeću Bosne i Hercegovine („Službeni glasnik BiH”, br. 25/04, 93/05, 48/07, 15/08, 63/23, 9/24 i 50/24), Visoko sudsko i tužilačko vijeće Bosne i Hercegovine je, na sjednici održanoj 18.12.2024. godine, donijelo

K R I T E R I J E

za ocjenjivanje rada glavnih tužilaca, zamjenika glavnih tužilaca i šefova odjela u tužilaštvima u Bosni i Hercegovini

POGLAVLJE I – OPĆE ODREDBE O OCJENJIVANJU

Član 1. **(Predmet)**

Kriterijima za ocjenjivanje rada glavnih tužilaca, zamjenika glavnih tužilaca i šefova odjela u tužilaštvima u Bosni i Hercegovini (u daljnjem tekstu: kriteriji) utvrđuje se način ocjenjivanja rada glavnih tužilaca, zamjenika glavnih tužilaca i šefova odjela, elementi ocjene rada i evidencije o ostvarenim radnim rezultatima i odsustvima s posla, kao i o ostvarenim radnim rezultatima tužilaštava i tužilačkih odjela kojima oni rukovode, te druga pitanja od značaja za ocjenjivanje rada glavnih tužilaca, zamjenika glavnih tužilaca i šefova odjela.

Član 2. **(Svrha ocjenjivanja)**

(1) Ocjenjivanje rada glavnih tužilaca, zamjenika glavnih tužilaca i šefova odjela provodi se u cilju unapređenja upravljanja pravosudnim institucijama, postizanja njihovog efektivnijeg, efikasnijeg i odgovornijeg rada, te jačanja povjerenja građana u pravosudni sistem.

(2) Ocjenjivanje rada glavnih tužilaca, zamjenika glavnih tužilaca i šefova odjela, u dijelu obavljanja tužilačke funkcije, provodi se u cilju koji je određen članom 2. Kriterija za ocjenjivanje rada tužilaca u Bosni i Hercegovini.

(3) Statističke podatke u postupku ocjenjivanja rada glavnih tužilaca, zamjenika glavnih tužilaca i šefova odjela potrebno je koristiti oprezno i uz odgovarajuće sadržajno obrazloženje.

(4) Podaci i informacije prikupljeni prilikom ocjenjivanja rada koriste će se za potrebe komisija, radnih grupa i drugih tijela Visokog sudskog i tužilačkog vijeća Bosne i Hercegovine (u daljnjem tekstu: VSTV BiH).

(5) Pojedinačna ocjena rada glavnog tužioca, zamjenika glavnog tužioca i šefa odjela neće se objavljivati.

Član 3. **(Obim primjene kriterija)**

(1) Kriteriji će se primjenjivati prilikom ocjenjivanja rada glavnih tužilaca, zamjenika glavnih tužilaca i šefova odjela u tužilaštvima u Bosni i Hercegovini.

(2) VSTV BiH će donijeti posebne Kriterije za ocjenjivanje rada glavnog tužioca Tužilaštva Bosne i Hercegovine, Federalnog tužilaštva Federacije Bosne i Hercegovine, Republičkog javnog tužilaštva Republike Srpske i Tužilaštva Brčko Distrikta Bosne i Hercegovine.

(3) Ocjenjivanje rada glavnih tužilaca, zamjenika glavnih tužilaca i šefova odjela provodi se svake godine.

Član 4.

(Izuzeci od ocjenjivanja)

(1) Glavni tužilac, zamjenik glavnog tužioca i šef odjela koji je tokom perioda ocjenjivanja na obavljanju funkcije proveo manje od jedne polovine perioda ocjenjivanja ne ocjenjuje se kao nosilac te funkcije.

(2) Podaci o rezultatima rada nosioca pravosudne funkcije koje je on ostvario tokom kraćeg dijela perioda ocjenjivanja, u vezi sa individualnim radom na predmetima prilikom obavljanja rukovodilačke funkcije iz stava (1) ovog člana, obavezno se koriste prilikom utvrđivanja godišnje ocjene rada, zajedno sa podacima o njegovim rezultatima rada ostvarenim na drugoj funkciji koju je obavljao veći dio perioda ocjenjivanja.

(3) Glavni federalni tužilac odnosno glavni republički tužilac ocjenjuje rad tužioca koji je vršilac dužnosti glavnog tužioca u kantonalnom odnosno okružnom javnom tužilaštvu u vrijeme provođenja postupka ocjenjivanja u skladu sa stavom (1) i (2) ovog člana.

(4) Glavni tužilac, zamjenik glavnog tužioca i šefovi odjela koji u vrijeme ocjenjivanja više ne obavljaju funkciju u pravosuđu neće se ocjenjivati osim, ako oni to sami ne zatraže do trenutka prestanka obavljanja funkcije.

Član 5.

(Ocjenjivač)

(1) Glavni federalni tužilac odnosno glavni republički tužilac ocjenjuje rad glavnih tužilaca kantonalnih i okružnih javnih tužilaštava.

(2) Glavni tužilac ocjenjuje rezultate rada zamjenika glavnog tužioca i šefova odjela u tužilaštvu.

(3) Ocjenjivač iz stava (1) odnosno iz stava (2) ovog člana dužan je da prikupi podatke o radnim rezultatima ocjenjivanog nosioca pravosudne funkcije, koje je on ostvario obavljajući drugu pravosudnu funkciju u istom ili drugom tužilaštvu tokom kraćeg dijela perioda ocjenjivanja, shodno članu 5. i članu 23. stav (2) Kriterija za ocjenjivanje rada tužilaca u Bosni i Hercegovini, i vrednovati ih prilikom utvrđivanja ocjene rada u skladu sa ovim kriterijima.

(4) Ako je ocjenjivač obavljao funkciju glavnog tužioca tokom kraćeg dijela perioda ocjenjivanja, on će ocjenjivanje vršiti nakon obavljenih konsultacija s osobom koja je obavljala dužnost ocjenjivača u većem dijelu perioda ocjenjivanja, ako je to moguće i svrsishodno.

(5) Ako u vrijeme provođenja postupka ocjenjivanja nije imenovan glavni tužilac koji je nadležan za ocjenjivanje ili je glavni tužilac trajno odsutan s funkcije, ocjenjivanje će provesti tužilac koji vrši dužnost glavnog tužioca.

(6) Ocjenjivač iz stava (1) ovog člana će ocijeniti rad tužioca koji je vršilac dužnosti glavnog tužioca u vrijeme provođenja postupka ocjenjivanja.

Član 6.
(Učešće ocjenjivanog glavnog tužioca, zamjenika glavnog tužioca i šefa odjela u postupku ocjenjivanja)

(1) Ocjenjivani glavni tužilac, zamjenik glavnog tužioca i šef odjela će sačiniti izvještaj, na obrascu koji propisuje VSTV BiH, koji sadrži opis njegovih tužilačkih aktivnosti i procjenu sopstvenog rada prema ovim kriterijima i članu 8. Kriterija za ocjenjivanje rada tužilaca u Bosni i Hercegovini. U izvještaju ocjenjivani nosilac tužilačke funkcije naznačit će predmet koji je sam odabrao za ocjenjivanje u skladu s članom 23. ovih kriterija, s tim da ocjenjivani nosilac tužilačke funkcije informaciju o takvom predmetu može dostaviti ocjenjivaču u toku cijelog perioda ocjenjivanja, a najkasnije u roku iz stava (2) ovog člana.

(2) Izvještaj iz stava (1) ovog člana glavni tužilac, zamjenik glavnog tužioca i šef odjela dostavlja ocjenjivaču, najkasnije do 31.12. u periodu za koji se vrši ocjenjivanje. U prilogu izvještaja ocjenjivani nosilac pravosudne funkcije može dostaviti relevantne statističke podatke, zapisnike i druge isprave od značaja za ocjenjivanje.

(3) Ocjenjivač će, nakon dostavljanja izvještaja iz stava (1) ovog člana, sa ocjenjivanim glavnim tužiocem, zamjenikom glavnog tužioca i šefom odjela obaviti razgovor najkasnije do 01.03. nakon proteka perioda ocjenjivanja dana.

(4) O obavljenom razgovoru iz stava (3) ovog člana se sastavlja zapisnik, na obrascu koji propisuje VSTV BiH.

Član 7.
(Samostalnost ocjenjivača)

Ocjenjivač samostalno donosi ocjenu rada na osnovu izvora informacija koji su predviđeni ovim kriterijima i odgovoran je za tačnost podataka i objektivnost ocjene.

Član 8.
(Statistički izvještaji i evidencije)

Ocjenjivač je dužan da u skladu s uputstvima VSTV BiH u postupku ocjenjivanja koristi relevantne statističke izvještaje u Sistemu za upravljanje predmetima u tužilaštvima (u daljnjem tekstu: TCMS), vodi evidencije i priprema obračune radnih rezultata u skladu s ovim kriterijima.

Član 9.
(Elementi ocjene rada)

(1) Glavni tužilac, zamjenik glavnog tužioca i šef odjela će se ocjenjivati po elementima ocjene rada koji su propisani ovim kriterijima.

(2) Na osnovu zbira osvojenih bodova po pojedinim elementima ocjenjivanja formirat će se konačna ocjena rada glavnog tužioca, zamjenika glavnog tužioca i šefa odjela.

POGLAVLJE II – EVIDENCIJE O OSTVARENIM RADNIM REZULTATIMA I ODSUSTVIMA GLAVNIH TUŽILACA, ZAMJENIKA GLAVNIH TUŽILACA I ŠEFOVA ODJELA S POSLA

Član 10.
(Dosije za ocjenjivanje)

(1) Podaci o radu i odsustvima zamjenika glavnih tužilaca i šefova odjela vode se u tužilaštvu u kojem ocjenjivani nosilac pravosudne funkcije obavlja funkciju na obrascima, koji su propisani

ovim kriterijima u posebnom ličnom dosijeu pojedinačno za svakog zamjenika glavnog tužioca i šefa odjela.

(2) Glavni tužilac je odgovoran za organizaciju i nadzor nad redovnim unošenjem podataka u obrasce i dosije iz stava (1) ovog člana i njihovu tačnost.

(3) Podaci o radu i odsustvima glavnih kantonalnih i glavnih okružnih tužilaca vode se u Federalnom tužilaštvu Federacije Bosne i Hercegovine i Republičkom javnom tužilaštvu Republike Srpske na obrascima koji su propisani ovim kriterijima u posebnom ličnom dosijeu pojedinačno za svakog ocjenjivanog glavnog tužioca.

(4) Glavni tužilac Federalnog tužilaštva Federacije Bosne i Hercegovine i glavni tužilac Republičkog javnog tužilaštva Republike Srpske je odgovoran za organizaciju i nadzor nad redovnim unošenjem podataka u obrasce koji propisuje VSTV BiH i dosije iz stava (3) ovog člana i njihovu tačnost.

POGLAVLJE III – EVIDENCIJE O OSTVARENIM INDIVIDUALNIM RADNIM REZULTATIMA GLAVNIH TUŽILACA, ZAMJENIKA GLAVNIH TUŽILACA I ŠEFOVA ODJELA, OSTVARENIM KOLEKTIVNIM RADNIM REZULTATIMA ODJELA I TUŽILAŠTAVA U CJELINI I EVIDENCIJE KOJE SE ODOSE NA ORGANIZACIJU I RUKOVOĐENJE

ODJELJAK A – EVIDENCIJE O OSTVARENIM INDIVIDUALNIM RADNIM REZULTATIMA GLAVNOG TUŽIOCA, ZAMJENIKA GLAVNOG TUŽIOCA I ŠEFOVA ODJELA

Član 11.

(Evidencije o ostvarenim radnim rezultatima glavnog tužioca, zamjenika glavnog tužioca i šefova odjela)

(1) Tužilaštvo je dužno da vodi godišnju evidenciju o ostvarenoj orijentacionoj normi glavnog tužioca, zamjenika glavnog tužioca i šefova odjela, ako su oni obavezni da je ostvare prema članu 19. stav (1) tačka a), članu 20. i članu 21. Pravilnika o orijentacionim mjerilima za rad tužilaca u tužilaštvima u Bosni i Hercegovini, kao i evidenciju o kvalitetu odluka i evidenciju o odsustvima za glavnog tužioca, zamjenika glavnog tužioca i šefa odjela.

(2) Tužilaštvo je dužno da vodi godišnju evidenciju o ostvarenoj orijentacionoj normi glavnog tužioca u slučajevima kada neposredno radi na predmetima, iako prema članu 19. stav (1) tačka b) i stav (2) Pravilnika o orijentacionim mjerilima za rad tužilaca u tužilaštvima u Bosni i Hercegovini nema obavezu zaduživanja predmeta i neposrednog rada po predmetima.

Član 12.

(Primjena Kriterija za ocjenjivanje rada tužilaca za vođenje evidencija)

Evidencija o ostvarenoj orijentacionoj normi, evidencija o kvalitetu optužnica i prijedloga za izricanje odgojnih mjera i maloljetničkog zatvora, evidencija o kvalitetu naredbi o neprovođenju istraga i naredbi o obustavi istraga, evidencija o starosti riješenih i neriješenih predmeta, evidencija o analitičkoj ocjeni odluka, kao i evidencija o odsustvima s posla za glavne tužioce, zamjenike glavnih tužilaca i šefove odjela, vodi se na način propisan Kriterijima za ocjenjivanje rada tužilaca u Bosni i Hercegovini.

ODJELJAK B – EVIDENCIJE O OSTVARENIM KOLEKTIVNIM RADNIM REZULTATIMA ODJELA I TUŽILAŠTVA U CJELINI

Član 13.

(Evidencije o ostvarenim radnim rezultatima odjela i tužilaštva u cjelini)

Tužilaštva su dužna da vode godišnju evidenciju o ostvarenoj kolektivnoj orijentacionoj normi odjela i tužilaštva u cjelini i ostvarenom kvalitetu odluka odjela i tužilaštva u cjelini.

Član 14.

(Evidencija o ostvarenoj kolektivnoj orijentacionoj normi i ostvarenom kolektivnom kvalitetu odluka odjela i tužilaštva u cjelini)

(1) Evidencija ostvarene kolektivne orijentacione norme odjela i tužilaštva u cjelini sastoji se iz podatka o aritmetičkoj sredini ostvarenih orijentacionih normi, tokom perioda ocjenjivanja, za sve nosioce pravosudnih funkcija u tužilaštvu, osim za novoimenovane tužioce, tužioce koji su imenovani u drugu instituciju, odnosno tužioce koji su prestali sa radom iz različitih razloga kao što su: penzionisanje, podnošenje ostavke, smrt, gubitak radne sposobnosti, razrješenje od dužnosti, privremeno ili trajno udaljene od vršenja dužnosti itd., a koji su u periodu ocjenjivanja ostvarili ukupnu godišnju orijentacionu normu u vrijednosti nižoj od 20%.

(2) Evidencija o ostvarenom kolektivnom kvalitetu optužnica tužilaštva odnosno odjela sastoji se iz podatka o ukupnom broju podignutih optužnica svih tužilaca u tužilaštvu odnosno odjelu tokom perioda ocjenjivanja i ukupnog broja pravosnažnih rješenja o odbijanju optužnice dostavljenih tužilaštvu u periodu ocjenjivanja.

(3) Evidencija o ostvarenom kolektivnom kvalitetu odluka na maloljetničkom referatu sastoji se iz podatka o ukupnom broju podnesenih prijedloga za izricanje odgojnih mjera ili kazni maloljetničkog zatvora svih tužilaca u tužilaštvu podnesenih u periodu ocjenjivanja i broja prihvaćenih odnosno neprihvaćenih prijedloga dostavljenih tužilaštvu u periodu ocjenjivanja.

(4) Evidencija o kvalitetu naredbi o neprovođenju istraga i naredbi o obustavi istraga sastoji se iz evidencije ukupnog broja ovih odluka i ukupnog broja konačnih rješenja glavnih tužilaca o usvajanju i odbijanju pritužbi na ove odluke.

(5) Podatak o ostvarenom kolektivnom kvalitetu odluka tužilaštva izražava se u vidu procenata, odvojeno za podignute optužnice i za prijedloge za izricanje odgojnih mjera ili kazni maloljetničkog zatvora, kao i naredbi o neprovođenju istraga i naredbi o obustavi istraga, u skladu s članom 15. Kriterija za ocjenjivanje rada tužilaca u Bosni i Hercegovini.

ODJELJAK C – EVIDENCIJE KOJE SE ODOSE NA ORGANIZACIJU I RUKOVOĐENJE ODJELOM I TUŽILAŠTVOM U CJELINI

Član 15.

(Evidencije u vezi s organizacijom i rukovođenjem odjelom i tužilaštvom u cjelini)

(1) Tužilaštvo i odjel će voditi evidenciju o broju primljenih i riješenih pritužbi na odluke tužilaca u skladu s članom 19. stav (3) Pravilnika o orijentacionim mjerilima za rad tužilaca u tužilaštvima u Bosni i Hercegovini.

(2) Tužilaštvo će voditi evidenciju o broju i strukturi krivičnih djela zaduženih predmeta za svakog tužioca po odjelima.

(3) Tužilaštvo i odjel će voditi evidenciju o svim predmetima u kojima je nastupila zastarjelost.

(4) Tužilaštvo i odjel će voditi evidenciju o rješavanju starih predmeta.

(5) Tužilaštvo i odjel će voditi evidenciju o pristupu pretresima svakog tužioca pojedinačno.

(6) Tužilaštvo i odjel će voditi evidenciju o administrativno-stručnoj podršci koju je imao svaki tužilac.

(7) Tužilaštvo i odjel će voditi evidenciju o izdatim obaveznim uputstvima i njihovoj realizaciji, evidenciju o dobijenim obaveznim uputstvima neposredno višeg tužilaštva i evidenciju o uspostavljenoj i održavanoj saradnji s agencijama za provođenje zakona i drugim organima, te evidenciju o održavanju Kolegija tužilaštva i odjela.

(8) Evidencije u vezi s organizacijom i rukovođenjem odjelom i tužilaštvom u cjelini vode se na obrascima koje propisuje VSTV BiH.

POGLAVLJE IV – ELEMENTI OCJENE RADA GLAVNIH TUŽILACA, ZAMJENIKA GLAVNIH TUŽILACA I ŠEFOVA ODJELA

Član 16.

(Elementi ocjene rada)

(1) Elementi ocjene rada glavnih tužilaca, zamjenika glavnih tužilaca i šefova odjela u tužilaštvima su:

- a) elementi koji se odnose na individualnu ostvarenu orijentacionu normu, individualnu realizaciju plana rješavanja starih predmeta, individualni kvalitet odluka i analitičku ocjenu glavnog tužioca, zamjenika glavnih tužilaca i šefova odjela u tužilaštvima ukoliko neposredno rade na predmetima;
- b) kolektivna ostvarena orijentaciona norma i kolektivni kvalitet odluka tužilaštva i odjela;
- c) organizacija i rukovođenje radom tužilaštva i odjela.

(2) Glavni tužioci i zamjenici glavnih tužilaca u Republičkom javnom tužilaštvu Republike Srpske i Federalnom tužilaštvu Federacije Bosne i Hercegovine (specijalni tužilac i posebni zamjenik glavnog federalnog tužioca) koji nemaju obavezu zaduživanja predmeta i neposrednog rada po predmetima, u skladu s članom 19. Pravilnika o orijentacionim mjerilima za rad tužilaca u tužilaštvima u Bosni i Hercegovini, ocjenjivat će se po elementima ocjene rada iz stava (1) tačke b) i c) ovog člana.

(3) Zamjenici glavnih tužilaca u tužilaštvima u kojima nisu formirani odjeli ocjenjivat će se po elementima ocjene rada iz stava (1) tačka a) ovog člana, u skladu s Kriterijima za ocjenjivanje rada tužilaca u Bosni i Hercegovini.

(4) Izuzetno od stava (1) ovog člana, elementi ocjene rada prvog zamjenika i zamjenika – rukovodioca Odjela opće nadležnosti Federalnog tužilaštva Federacije Bosne i Hercegovine i zamjenika Općeg odjela Republičkog javnog tužilaštva Republike Srpske su:

- a) elementi koji se odnose na individualnu ostvarenu ažurnost i efikasnost rada na predmetima prema članu 17. stav (1) Pravilnika o orijentacionim mjerilima za rad tužilaca u tužilaštvima u Bosni i Hercegovini i analitičku ocjenu kvaliteta rada na predmetima;

b) kolektivni rezultati rada Općeg odjela.

ODJELJAK A – ELEMENTI OCJENE INDIVIDUALNOG RADA GLAVNIH TUŽILACA, ZAMJENIKA GLAVNIH TUŽILACA I ŠEFOVA ODJELA

Član 17.

(Ocjena po elementima individualnog rada na predmetima glavnog tužioca, zamjenika glavnog tužioca i šefova odjela)

(1) Ocjenjivanje individualnog rada na predmetima glavnih tužilaca, zamjenika glavnih tužilaca i šefova odjela vršit će se obračunavanjem i bodovanjem individualno ostvarene orijentacione norme, individualne realizacije plana rješavanja starih predmeta, individualno ostvarenog kvaliteta odluka i analitičke ocjene, a uz primjenu članova od 19. do 30. Kriterija za ocjenjivanje rada tužilaca u Bosni i Hercegovini.

(2) Ocjena rada utvrđena u skladu sa stavom (1) ovog člana predstavlja jedan od elemenata ukupne ocjene glavnih tužilaca, zamjenika glavnih tužilaca i šefova odjela.

(3) Elementi i način bodovanja za ocjenjivanje individualnog rada prvog zamjenika i zamjenika – rukovodioca Odjela opće nadležnosti Federalnog tužilaštva Federacije Bosne i Hercegovine i zamjenika Općeg odjela Republičkog javnog tužilaštva Republike Srpske su propisani u članu 39. stav (1) tačke a) i b) ovih kriterija.

Član 18.

(Utvrđivanje ocjene po elementima individualnog rada na predmetima)

(1) Bodovanje individualnih rezultata rada glavnih tužilaca obavlja se na sljedeći način:

- | | |
|---|--------------------|
| a) ostvarenje orijentacione norme | od 0 do 12 bodova; |
| b) realizacija plana rješavanja starih predmeta | od 0 do 4 boda; |
| c) analitička ocjena | od 0 do 10 bodova; |
| d) statistički kvalitet odluka | od 0 do 14 bodova. |

(2) Bodovanje individualnih rezultata rada zamjenika glavnih tužilaca i šefova odjela obavlja se na sljedeći način:

- | | |
|---|--------------------|
| a) ostvarenje orijentacione norme | od 0 do 15 bodova; |
| b) realizacija plana rješavanja starih predmeta | od 0 do 5 bodova; |
| c) analitička ocjena | od 0 do 10 bodova; |
| d) statistički kvalitet odluka | od 0 do 20 bodova. |

Član 19.

(Ocjena individualno ostvarene orijentacione norme)

(1) Individualno ostvarena orijentacione norma obračunat će se prema Pravilniku o orijentacionim mjerilima za rad tužilaca u tužilaštvima u Bosni i Hercegovini.

(2) Na osnovu individualno ostvarene orijentacione norme, glavnom tužiocu dodijelit će se određeni broj bodova, kako slijedi:

- | | | |
|-----------|-------------------------------|-----------|
| a) do 50% | ostvarene orijentacione norme | 0 bodova; |
|-----------|-------------------------------|-----------|

b)	51 – 60%	ostvarene orijentacione norme	2 boda;
c)	61 – 70%	ostvarene orijentacione norme	4 boda;
d)	71 – 80%	ostvarene orijentacione norme	6 bodova;
e)	81 – 90%	ostvarene orijentacione norme	8 bodova;
f)	91 – 100%	ostvarene orijentacione norme	10 bodova;
g)	više od 100%	ostvarene orijentacione norme	12 bodova.

(3) Na osnovu individualno ostvarene orijentacione norme, zamjeniku glavnog tužioca i šefu odjela dodijelit će se određeni broj bodova, kako slijedi:

a)	do 50%	ostvarene orijentacione norme	0 bodova;
b)	51 – 60%	ostvarene orijentacione norme	3 boda;
c)	61 – 70%	ostvarene orijentacione norme	7 bodova;
d)	71 – 80%	ostvarene orijentacione norme	9 bodova;
e)	81 – 90%	ostvarene orijentacione norme	11 bodova;
f)	91 – 100%	ostvarene orijentacione norme	13 bodova;
g)	više od 100%	ostvarene orijentacione norme	15 bodova.

(4) Ocjena glavnog tužioca, zamjenika glavnog tužioca i šefa odjela ne može biti umanjena ako postoje opravdani razlozi za preračun norme koji su navedeni u članu 24. Pravilnika o orijentacionim mjerilima za rad tužilaca u tužilaštvima u Bosni i Hercegovini.

(5) Izuzetno od stava (4) ovog člana, ukoliko je glavni tužilac, zamjenik glavnog tužioca i šef odjela u periodu ocjenjivanja bio zadužen nedovoljnim brojem predmeta za ispunjenje orijentacione norme shodno članu 25. Pravilnika o orijentacionim mjerilima za rad tužilaca u tužilaštvima u Bosni i Hercegovini, tužilac će se ocjenjivati u skladu sa članom 20. ovih kriterija.

Član 20.

(Opravdani razlozi za preračun i neispunjenje godišnje norme)

(1) Opravdani razlozi za preračun, odnosno neispunjenje godišnje norme su utvrđeni članom 24. i članom 25. Pravilnika o orijentacionim mjerilima za rad tužilaca u tužilaštvima u Bosni i Hercegovini, a kako slijedi:

- odsustvo zbog bolovanja, porodijsko odsustvo i učešće u radu VSTV BiH;
- odsustvo odobreno u skladu s pozitivnim pravnim propisima, na osnovu odluke glavnog tužioca ili VSTV BiH;
- vrijeme utrošeno na putovanje u sudove izvan sjedišta tužilaštva iz člana 12. Pravilnika o orijentacionim mjerilima za rad tužilaca u tužilaštvima u Bosni i Hercegovini;
- nedovoljan broj predmeta koji su dodijeljeni glavnom tužiocu, zamjeniku glavnog tužioca i šefu odjela u rad u periodu ocjenjivanja.

(2) Ako je glavni tužilac, zamjenik glavnog tužioca i šef odjela zbog opravdanih razloga iz stava (1) tačke a), b) i c) ovog člana proveo na radu više od jedne polovine perioda ocjenjivanja, a manje od ukupnog perioda ocjenjivanja, uslijed čega nije donio broj odluka koji odgovara godišnjem rezultatu rada propisanom Pravilnikom o orijentacionim mjerilima za rad tužilaca u Bosni i

Hercegovini, bodovat će se prema skali iz člana 19. stav (2), odnosno stav (3) ovih kriterija, prema procentu ostvarene orijentacione norme proporcionalno vremenu provedenom na radu.

(3) Glavni tužilac koji je proveo na radu više od jedne polovine perioda ocjenjivanja, a koji nije mogao ostvariti individualnu orijentacionu normu zbog nedovoljnog broja predmeta u radu, u vezi sa odredbama stava (1) tačka d) ovog člana, bodovat će se na osnovu procenata riješenih predmeta u odnosu na broj predmeta u radu u periodu ocjenjivanja, prema sljedećoj skali:

a) do 50%	riješenih predmeta	0 bodova;
b) 51 – 60%	riješenih predmeta	2 boda;
c) 61 – 70%	riješenih predmeta	4 boda;
d) 71 – 80%	riješenih predmeta	6 bodova;
e) 81 – 90%	riješenih predmeta	8 bodova;
f) 91 – 94%	riješenih predmeta	10 bodova;
g) 95 – 100%	riješenih predmeta	12 bodova.

(4) Zamjenik glavnog tužioca i šef odjela koji je proveo na radu više od jedne polovine perioda ocjenjivanja, a koji nije mogao ostvariti individualnu orijentacionu normu zbog nedovoljnog broja predmeta u radu, u vezi sa odredbama stava (1) tačka d) ovog člana, bodovat će se na osnovu procenata riješenih predmeta u odnosu na broj predmeta u radu u periodu ocjenjivanja, prema sljedećoj skali:

a) do 50%	riješenih predmeta	0 bodova;
b) 51 – 60%	riješenih predmeta	2 boda;
c) 61 – 70%	riješenih predmeta	4 boda;
d) 71 – 80%	riješenih predmeta	6 bodova;
e) 81 – 90%	riješenih predmeta	9 bodova;
f) 91 – 94%	riješenih predmeta	12 bodova;
g) 95 – 100%	riješenih predmeta	15 bodova.

(5) Ocjenjivač će, prilikom utvrđivanja rezultata rada glavnog tužioca, zamjenika glavnog tužioca i šefa odjela na osnovu ovog člana, u svojoj ocjeni posebno navesti da je ocjenjivanje rada provedeno u okolnostima nedovoljnog broja predmeta u radu, objasniti uzroke nastanka takvih okolnosti i obrazložiti bodovanje prema stavu (3) i (4) ovog člana.

(6) Prilikom obračuna procenta iz stava (3) i (4) ovog člana, ne uzimaju se u obzir KTN predmeti kao ni predmeti koji nisu obuhvaćeni planom rješavanja starih predmeta u tekućoj godini koji nisu riješeni u periodu ocjenjivanja, te predmeti koji nisu mogli biti riješeni s obzirom na vrijeme zaprimanja u tužilaštvo i zakonom propisane rokove za preduzimanje radnji u predmetu.

Član 21.

(Realizacija plana rješavanja starih predmeta)

(1) Na osnovu realizacije plana rješavanja starih predmeta odnosno predmeta iz akcionog plana za rad na predmetima ratnih zločina, glavnom tužiocu će se dodijeliti određeni broj bodova, kako slijedi:

a)	do 50%	realizacije plana	0 bodova;
b)	51 – 60%	realizacije plana	1 bod;
c)	61 – 75%	realizacije plana	2 boda;
d)	76 – 90%	realizacije plana	3 boda;
e)	91 – 95%	realizacije plana	3,5 bodova;
f)	96 – 100%	realizacije plana	4 boda.

(2) Na osnovu realizacije plana rješavanja starih predmeta, odnosno predmeta iz akcionog plana za rad na predmetima ratnih zločina, zamjeniku glavnog tužioca i šefu odjela će se dodijeliti određeni broj bodova, kako slijedi:

a)	do 50%	realizacije plana	0 bodova
b)	51 – 60%	realizacije plana	1 bod
c)	61 – 75%	realizacije plana	2 boda
d)	76 – 90%	realizacije plana	3 boda
e)	91 – 95%	realizacije plana	4 boda
f)	96 – 100%	realizacije plana	5 bodova

(3) VSTV BiH utvrđuje koji se predmeti smatraju starim predmetima u tužilaštvima.

(4) U tužilaštvima koja nemaju obavezu da izrađuju plan rješavanja starih predmeta, glavnom tužiocu dodijelit će se 4 boda, odnosno zamjeniku glavnog tužioca i šefu odjela dodijelit će se 5 bodova, za ovaj element ocjene pod uslovom da su se u rad uzimali predmeti po starosti inicijalnog akta. Glavnom tužiocu, zamjeniku glavnog tužioca i šefu odjela mogu se dodijeliti bodovi za ovaj element ocjene rada izuzetno u slučaju kada je do odstupanja u rješavanju predmeta po inicijalnom aktu došlo iz opravdanih razloga, koje razloge je dužan ocjenjivač obrazložiti i dokumentovati.

(5) U tužilaštvima koja imaju obavezu da izrade plan rješavanja starih predmeta, glavnom tužiocu, koji nije obuhvaćen ovim planom dodijelit će se 4 boda, odnosno zamjeniku glavnog tužioca i šefu odjela dodijelit će se 5 bodova, za ovaj element ocjene, pod uslovom da su u rad uzimani predmeti po starosti inicijalnog akta. Glavnom tužiocu, zamjeniku glavnog tužioca i šefu odjela mogu se dodijeliti bodovi za ovaj element ocjene rada izuzetno u slučaju kada je do odstupanja u rješavanju predmeta po starosti inicijalnog akta došlo iz opravdanih razloga, koje razloge je dužan ocjenjivač obrazložiti i dokumentovati.

Član 22. (Analitička ocjena)

Analitička ocjena utvrđuje se na osnovu sljedećih elemenata:

- a) **sposobnost utvrđivanja odlučnih činjenica bitnih za donošenje tužilačkih odluka:** kod ovog elementa se ocjenjuje analizom sadržaja bitnih elemenata odluke i stvarnog činjeničnog stanja, koje proizilazi iz predmeta, da li je tužilac pravilno utvrdio činjenice koje su odlučujuće za pravilno donošenje tužilačke odluke obzirom na okolnosti konkretnog predmeta, kod donošenja naredbe o obustavi istrage: da li je tužilac donio pravilnu odluku u smislu vrste odluke, kao i da li je bilo potrebno provesti dodatnu radnju u predmetu.

- b) **sposobnost rješavanja kompleksnih predmeta:** kod ovog elementa se ocjenjuju predmeti za koji je u toku perioda ocjenjivanja donesena odluka o priznavanju većeg vrednovanja tog predmeta, na način da se u tim predmetima ocjenjuje se da li je pravilno i blagovremeno pripremljen i proveden na složenim predmetima na način koji će omogućiti da se pravovremeno identifikuju i riješe ključna činjenična i pravna pitanja od kojih zavisi ispravno postupanje u predmetu, kako bi se rad na predmetu usmjerio na ključne elemente zavisno od faze postupka, kao što su u fazi istrage planiranje „podjele rada“ u tužilaštvu, formiranje i rukovođenje timovima između više subjekata ovlašćenih za provođenje istrage, predmet i redoslijed izvođenja relevantnih istražnih radnji, kako bi svaka naredna istražna radnja imala osnov u prethodno provedenoj istražnoj radnji, odnosno u fazi nakon okončanja istrage analizira se pravilnost ocjene činjeničnih i pravnih pitanja prilikom podizanja optužnice.
- c) **brzina donošenja odluka i poštivanje zakonskih rokova:** kod ovog elementa se ocjenjuje da li tužilac predmete rješava pravovremeno, da li poštuje instruktivne rokove propisane zakonom ili općim uputstvom glavnog tužioca i da li predmete u pravilu rješava prema starosti inicijalnog akta i planu rješavanja predmeta.
- d) **sposobnost organizacije i efikasnog vođenja istraga na proaktivan način:** kod ovog elementa se ocjenjuje da li tužilac sistematično preduzima radnje u predmetu i da li kontinuirano provodi i analizira rezultate provedenih radnji dokazivanja na koji način sprječava odugovlačenje postupka.
- e) stručni nivo tužilačke odluke, pokazano pravno znanje i korištenje pravnih lijekova:
- **kod donošenja naredbe da se neće provoditi istraga** se ocjenjuje da li naredba ima zakonom propisane formalno-pravne elemente, ispravnost navedenog razloga za nesprovođenje istrage, činjenična i pravna argumentacija obrazloženja i ispravnost pouke o pravnom lijeku, te ispravnost načina dostave odnosno upoznavanja stranaka sa naredbom za nesprovođenje istrage;
 - **kod donošenja naredbe o provođenju istrage** se ocjenjuje da li naredba ima zakonom propisane formalno-pravne elemente, predmet ocjenjivanja je odgovarajuća pravna kvalifikacija, obrazloženje osnovanosti sumnje, da li su pravilno procijenjene okolnosti koje treba istražiti, da li su pravilno određene radnje koje treba preduzeti, da li činjenični opis odgovara kvalifikaciji krivičnih djela u dispozitivu;
 - **kod donošenja naredbe o obustavi istrage** se ocjenjuje da li naredba ima zakonom propisane formalno-pravne elemente, da li razlog za obustavu istrage proizilazi iz činjeničnog stanja obrazloženja i ispravnost pouke o pravnom lijeku, te ispravnost načina dostave odnosno upoznavanja stranaka sa naredbom o obustavi istrage;
 - **kod podizanja optužnice** se ocjenjuje da li je optužnica usklađena sa odredbama relevantnih zakona o krivičnom postupku o obaveznom sadržaju optužnice, da li su u optužnici navedena sva bitna obilježja konkretnog krivičnog djela koje se optuženom stavlja na teret, da li dispozitiv optužnice odgovara pravnoj kvalifikaciji djela, da li je naveden odgovarajući član iz relevantnog krivičnog zakona, da li su navedene potencijalno značajne mjere koje je tužilaštvo, s obzirom na okolnosti predmeta, moglo i trebalo predložiti;
 - ukoliko su u ocjenjivanom predmetu podnošeni **prijedlozi za sudsko odlučivanje** (prijedlozi za određivanje pritvora, izdavanje naredbi za provođenje posebnih istražnih radnji, predlaganje/izdavanje naredbi za pretres odnosno izdavanje drugih naredbi u skladu sa relevantnim zakonom o krivičnom postupku, kao i prijedlozi u vezi sa osiguranjem i oduzimanjem protivpravno stečene imovinske koristi) cijeniće se i ovi

akti, pri tome uzimajući u obzir, opšte elemente tužilačkih akata, pravnu i činjeničnu osnovu prijedloga i njihovo obrazloženje;

- **korištenje pravnih lijekova** kao kriterij ocjenjuje se uvidom u predmet i izjavljeni pravni lijek bez obzira na eventualno donešenu sudsku odluku po istom, na način da se analizira i ocjenjuje: da li pravni lijek ima zakonom propisane formalno-pravne elemente, pravilnost određivanja žalbenih osnova u skladu sa stvarnim stanjem u predmetu, pravna i činjenična argumentacija žalbenih osnova ("razlozi").

Član 23.

(Izvor informacija za utvrđivanje analitičke ocjene)

Izvori informacija za utvrđivanje analitičke ocjene su:

- a) pregled nasumično odabranih predmeta od strane ocjenjivača;
- b) pismena mišljenje entitetskog tužilaštva.

Član 24.

(Pregled nasumično odabranih predmeta)

(1) Ovaj izvor informacija za utvrđivanje analitičke ocjene formira se na osnovu pregleda ukupno 4 (četiri) predmeta, i to 3 (tri) predmeta s odlukom iz perioda ocjenjivanja koju je ocjenjivač nasumično odabrao iz TCMS-a i 1 (jedan) predmet s odlukom iz perioda ocjenjivanja koje izabere ocjenjivani nosilac pravosudne funkcije. Zabilješke o pregledu predmeta bilježe se na obrascu koji propisuje VSTV BiH.

(2) Predmeti koje nasumično odabere ocjenjivač obuhvatit će različita krivična djela i različite vrste odluka ocjenjivanog nosioca pravosudne funkcije, po mogućnosti bit će obuhvaćeni predmeti u kojima je u periodu ocjenjivanja donesena pravosnažna presuda s kaznom zatvora ili uložena žalba na presudu, kao i pritvorski predmeti. U slučaju kada ocjenjivač ne može izvršiti analitički pregled nasumično odabranog predmeta prema elementima iz stava (1) ovog člana, zbog malog broja poduzetih radnji, dostaviti će VSTV BiH bez odlaganja obrazloženi zahtjev da se takav predmet ukloni iz odabira, odnosno omogući nasumični odabir novog predmeta.

(3) Opravdanost zahtjeva iz stava (2) ovog člana će cijeliti Stalna komisija za efikasnost i kvalitet tužilaštava. Ako se zahtjev ocjeni kao opravdan Odjel za informaciono-komunikacijsku tehnologiju Sekretarijata VSTV BiH će iz TCMS-a ukloniti predmet naveden u zahtjevu tužilaštva, te će se tužilaštvu omogućiti da izvrši ponovni nasumični odabir predmeta za analitičko ocjenjivanje nosioca pravosudne funkcije.

(4) U Federalnom tužilaštvu Federacije Bosne i Hercegovine i Republičkom javnom tužilaštvu Republike Srpske glavni tužilac donosi poseban plan analitičkog pregleda predmeta sa zaduženjima pojedinih tužilaca i glavnog tužioca na način da se osigura da se za svakog ocjenjivanog glavnog tužioca u okružnim javnim tužilaštvima i kantonalnim tužilaštvima koji imaju obavezu zaduživanja predmeta i neposrednog rada po predmetima, izvrši nasumični odabir i pregled predmeta, te da se izradi izvještaj o pregledu predmeta, u dvije faze tokom perioda ocjenjivanja, odnosno za 2 (dva) predmeta najkasnije do 30.09. i za preostali 1 (jedan) predmet najkasnije do 31.12. u periodu za koji se vrši ocjenjivanje.

(5) Nasumični izbor predmeta iz stava (1) ovog člana vrši se kroz algoritam koji je sastavni dio aplikacije Pravosudnog informacionog sistema.

Član 25.

(Mišljenje Federalnog tužilaštva Federacija Bosne i Hercegovine i Republičkog javnog tužilaštva Republike Srpske)

Mišljenje Federalnog tužilaštva Federacija Bosne i Hercegovine i Republičkog javnog tužilaštva Republike Srpske kao izvor informacija za utvrđivanje analitičke ocjene zamjenika glavnog tužioca i šefa odjela daje se u skladu sa članom 26. Kriterija za ocjenjivanje rada tužilaca u BiH.

Član 26.

(Izrada analitičke ocjene)

(1) Po elementima propisanim u članu 22. ovih kriterija, bodovi se dodjeljuju, obrazlažu i izražavaju prema jednom od vrijednosnih sudova o rezultatu koji ostvari ocjenjivani glavni tužilac, zamjenik glavnog tužioca i šef odjela, kako slijedi:

- a) za 2 boda – obrazloženje mora sadržavati razloge iz kojih proizilazi da je ocjenjivani glavni tužilac postigao vanredni rezultat posmatrano po elementima analitičke ocjene.
- b) za 1,5 bodova – obrazloženje mora sadržavati razloge iz kojih proizilazi da je ocjenjivani glavni tužilac postigao natprosječni rezultat posmatrano po elementima analitičke ocjene.
- c) za 1 bod – obrazloženje mora sadržavati razloge iz kojih proizilazi da je ocjenjivani glavni tužilac postigao prosječni rezultat posmatrano po elementima analitičke ocjene.
- d) za 0,5 bodova – obrazloženje mora sadržavati razloge iz kojih proizilazi da je ocjenjivani glavni tužilac postigao ispodprosječni rezultat posmatrano po elementima analitičke ocjene.
- e) za 0 bodova – obrazloženje mora sadržavati razloge iz kojih proizilazi da je ocjenjivani glavni tužilac postigao nezadovoljavajući rezultat posmatrano po elementima analitičke ocjene.

(2) Po elementima propisanim u članu 22. ovih kriterija, bodovi se dodjeljuju, obrazlažu i izražavaju prema jednom od vrijednosnih sudova o rezultatu koji ostvari ocjenjivani glavni tužilac, zamjenik glavnog tužioca i šef odjela, koji u toku perioda ocjenjivanja nije rješavao kompleksne predmete, kako slijedi:

- a) za 2,5 bodova – obrazloženje mora sadržavati razloge iz kojih proizilazi da je ocjenjivani glavni tužilac postigao vanredni rezultat posmatrano po elementima analitičke ocjene.
- b) za 1,5 bodova – obrazloženje mora sadržavati razloge iz kojih proizilazi da je ocjenjivani glavni tužilac postigao natprosječni rezultat posmatrano po elementima analitičke ocjene.
- c) za 1 bod – obrazloženje mora sadržavati razloge iz kojih proizilazi da je ocjenjivani glavni tužilac postigao prosječni rezultat posmatrano po elementima analitičke ocjene.
- d) za 0,5 bodova – obrazloženje mora sadržavati razloge iz kojih proizilazi da je ocjenjivani glavni tužilac postigao ispodprosječni rezultat posmatrano po elementima analitičke ocjene.
- e) za 0 bodova – obrazloženje mora sadržavati razloge iz kojih proizilazi da je ocjenjivani glavni tužilac postigao nezadovoljavajući rezultat posmatrano po elementima analitičke ocjene.

Član 27.

(Ostvareni kvalitet optužnica)

(1) Kvalitet optužnica glavnog tužioca utvrđuje se na osnovu broja pravosnažnih rješenja o odbijanju optužnica u odnosu na ukupan broj podignutih optužnica u ocjenjivanom periodu, na sljedeći način:

a)	preko 10%	nepotvrđenih optužnica	0 bodova;
b)	od 6,01 do 10%	nepotvrđenih optužnica	4 boda;
c)	od 3,01 do 6%	nepotvrđenih optužnica	7 bodova;
d)	od 0,01 do 3%	nepotvrđenih optužnica	11 bodova;
e)	0%	nepotvrđenih optužnica	14 bodova.

(2) Kvalitet optužnica zamjenika glavnog tužioca i šefa odjela utvrđuje se na osnovu broja pravosnažnih rješenja o odbijanju optužnica u odnosu na ukupan broj podignutih optužnica u ocjenjivanom periodu, na sljedeći način:

a)	preko 10%	nepotvrđenih optužnica	0 bodova;
b)	od 6,01 do 10%	nepotvrđenih optužnica	5 bodova;
c)	od 3,01 do 6%	nepotvrđenih optužnica	10 bodova;
d)	od 0,01 do 3%	nepotvrđenih optužnica	15 bodova;
e)	0%	nepotvrđenih optužnica	20 bodova.

(3) Kvalitet odluka glavnog tužioca, zamjenika glavnog tužioca i šefa odjela koji radi na maloljetničkom referatu ocjenjuje se na osnovu ukupnog broja podnesenih prijedloga za izricanje odgojnih mjera i maloljetničkog zatvora i ukupnog broja prihvaćenih odnosno neprihvaćenih prijedloga, na način propisan u stavu (1) i (2) ovog člana.

(4) Potvrđenom optužnicom smatra se optužnica koja je i djelimično potvrđena.

Član 28.

(Ostvareni kvalitet naredbi o neprovođenju i obustavi istraga)

(1) Kvalitet naredbi glavnog tužioca o neprovođenju istrage i naredbi o obustavi istrage utvrđuje se na osnovu ukupnog broja ovih odluka koje su donijete u ocjenjivanom periodu i ukupnog broja konačnih rješenja o uvažavanju pritužbi na ove naredbe koja glavni tužilac donese u ocjenjivanom periodu, na sljedeći način:

a)	preko 10%	uvažanih pritužbi od ukupnog broja naredbi	0 bodova;
b)	od 7,51 do 10%	uvažanih pritužbi od ukupnog broja naredbi	4 boda;
c)	od 5,01 do 7,50%	uvažanih pritužbi od ukupnog broja naredbi	7 bodova;
d)	od 2,51 do 5%	uvažanih pritužbi od ukupnog broja naredbi	11 bodova;
e)	od 0 do 2,50%	uvažanih pritužbi od ukupnog broja naredbi	14 bodova.

(2) Kvalitet naredbi zamjenika glavnog tužioca i šefa odjela o neprovođenju istrage i naredbi o obustavi istrage utvrđuje se na osnovu ukupnog broja ovih odluka koje su donijete u ocjenjivanom periodu i ukupnog broja konačnih rješenja o uvažavanju pritužbi na ove naredbe koja glavni tužilac donese u ocjenjivanom periodu, na sljedeći način:

a)	preko 10%	uvažanih pritužbi od ukupnog broja naredbi	0 bodova;
b)	od 7,51 do 10%	uvažanih pritužbi od ukupnog broja naredbi	5 bodova;
c)	od 5,01 do 7,50%	uvažanih pritužbi od ukupnog broja naredbi	10 bodova;
d)	od 2,51 do 5%	uvažanih pritužbi od ukupnog broja naredbi	15 bodova;
e)	od 0 do 2,50%	uvažanih pritužbi od ukupnog broja naredbi	20 bodova.

(3) Kvalitet naredbi glavnog tužioca o neprovođenju istrage i naredbi o obustavi istrage koji rade na predmetima privrednog kriminala, organiziranog kriminala, korupcije i ratnih zločina utvrđuje se na osnovu ukupnog broja ovih odluka koje su donijete u ocjenjivanom periodu i ukupnog broja konačnih rješenja o uvažavanju pritužbi na ove naredbe koja glavni tužilac donese u ocjenjivanom periodu, na sljedeći način:

a)	preko 20%	uvažanih pritužbi od ukupnog broja naredbi	0 bodova;
b)	od 10,01 do 20%	uvažanih pritužbi od ukupnog broja naredbi	4 boda;
c)	od 6,01 do 10%	uvažanih pritužbi od ukupnog broja naredbi	7 bodova;
d)	od 3,01 do 6%	uvažanih pritužbi od ukupnog broja naredbi	11 bodova;
e)	do 3%	uvažanih pritužbi od ukupnog broja naredbi	14 bodova.

(4) Kvalitet naredbi zamjenika glavnog tužioca i šefa odjela o neprovođenju istrage i naredbi o obustavi istrage koji rade na predmetima privrednog kriminala, organiziranog kriminala, korupcije i ratnih zločina utvrđuje se na osnovu ukupnog broja ovih odluka koje su donijete u ocjenjivanom periodu i ukupnog broja konačnih rješenja o uvažavanju pritužbi na ove naredbe koja zamjenik glavnog tužioca i šefa odjela donese u ocjenjivanom periodu, na sljedeći način:

a)	preko 20%	uvažanih pritužbi od ukupnog broja naredbi	0 bodova;
b)	od 10,01 do 20%	uvažanih pritužbi od ukupnog broja naredbi	5 bodova;
c)	od 6,01 do 10%	uvažanih pritužbi od ukupnog broja naredbi	10 bodova;
d)	od 3,01 do 6%	uvažanih pritužbi od ukupnog broja naredbi	15 bodova;
e)	do 3%	uvažanih pritužbi od ukupnog broja naredbi	20 bodova.

(5) U broj naredbi ocjenjivanog nosioca pravosudne funkcije o neprovođenju istrage i naredbi o obustavi istrage ne ubrajaju se naredbe koje glavni tužilac, zamjenik glavnog tužioca i šef odjela donesu u KTN predmetima (predmeti konkretnog krivičnog djela s nepoznatim počiniocem iz oblasti općeg kriminala).

(6) Ako glavni tužilac nije imao nijednu pritužbu na donesene naredbe o neprovođenju i obustavi istrage, dodijelit će mu se 14 bodova.

(7) Ako zamjenik glavnog tužioca i šef odjela nije imao nijednu pritužbu na donesene naredbe o neprovođenju i obustavi istrage, dodijelit će mu se 20 bodova.

(8) Uvaženom pritužbom smatra se pritužba iz stava (1) i (2) ovog člana koju je glavni tužilac, odnosno Kolegij tužilaca u cijelosti prihvatio kao osnovanu.

(9) Konačnim rješenjem o uvažavanju pritužbe iz stavova (2) i (4) ovog člana smatra se rješenje o uvažavanju pritužbe koje je donio glavni tužilac, a na koje rješenje o uvažavanju pritužbe nije

podnesen prigovor, odnosno pritužba Federalnom tužilaštvu Federacije Bosne i Hercegovine i Republičkom javnom tužilaštvu Republike Srpske. Ukoliko je podnesen prigovor, odnosno pritužba na rješenje o uvažavanju pritužbe glavnog tužioca, konačnim rješenjem o uvažavanju pritužbi se smatra rješenje o uvažavanju pritužbi koje donese glavni tužilac Federalnog tužilaštva Federacije Bosne i Hercegovine i Republičkog javnog tužilaštva Republike Srpske.

(10) Konačnim rješenjem o uvažavanju pritužbe iz stavova (2) i (4) ovog člana zamjenika glavnog tužioca i šefa odjela posebnih odjela entitetskih tužilaštava smatra se rješenje o uvažavanju pritužbe koje donese glavni entitetski tužilac.

Član 29.

(Način računanja ostvarenih bodova po osnovu individualno ostvarene statističke kvalitete odluka)

(1) Individualni ostvareni statistički kvalitet odluka glavnog tužioca utvrđuje se na osnovu individualnog ostvarenog kvaliteta optužnica i individualnog ostvarenog kvaliteta naredbi o neprovođenju i obustavi istraga tako što se ustanovi prosječna vrijednost ostvarenih bodova na osnovu člana 27. stav (1) i ostvarenih bodova na osnovu člana 28. stavovi (1) i (3) ovih kriterija.

(2) Individualni ostvareni statistički kvalitet odluka zamjenika glavnog tužioca i šefa odjela utvrđuje se na osnovu individualnog ostvarenog kvaliteta optužnica i individualnog ostvarenog kvaliteta naredbi o neprovođenju i obustavi istraga tako što se ustanovi prosječna vrijednost ostvarenih bodova na osnovu člana 27. stav (2) i ostvarenih bodova na osnovu člana 28. stavovi (2) i (4) ovih kriterija.

(3) Rezultati glavnog tužioca, zamjenika glavnog tužioca i šefa odjela po osnovu individualnog ostvarenog kvaliteta odluka ocijenit će se bodovanjem po jednoj od odredaba kriterija koje su navedene u stavu (1) i (2) ovog člana ukoliko glavni tužilac, zamjenik glavnog tužioca i šef odjela u toku perioda ocjenjivanja nije donosio neke od odluka koje su predviđene u tim odredbama.

(4) Glavnom tužiocu, zamjeniku glavnog tužioca i šefu odjela dodijelit će se 14 odnosno 20 bodova na osnovu individualnog ostvarenog kvaliteta odluka ukoliko nije radio na predmetima koji podliježu provjeri kvaliteta, a radi se o predmetima koji su normirani po Pravilniku o orijentacionim mjerilima za rad tužilaca u tužilaštvima u Bosni i Hercegovini.

ODJELJAK B – ELEMENTI OCJENE KOLEKTIVNE OSTVARENE ORIJENTACIONE NORME I KOLEKTIVNOG KVALITETA ODLUKA TUŽILAŠTVA I ODJELA

Član 30.

(Utvrđivanje ocjene po elementima ostvarenih kolektivnih rezultata rada tužilaštva odnosno odjela)

Bodovanje ostvarenih kolektivnih rezultata rada glavnih tužilaca, zamjenika glavnih tužilaca i šefova odjela obavlja se na sljedeći način:

- | | |
|---|------------|
| a) ostvarena kolektivna orijentacione norma tužilaštva ili odjela | 15 bodova; |
| b) ostvareni kolektivni kvalitet odluka tužilaštva ili odjela | 15 bodova. |

Član 31.

(Kolektivna orijentaciona norma tužilaštva i odjela tužilaštva)

(1) Ostvarenu kolektivnu orijentacionu normu tužilaštva čini aritmetička sredina ostvarenih orijentacionih normi tužilaca tužilaštva.

(2) Na osnovu ostvarene kolektivne orijentacione norme tužilaštva, ocjenjivač će dodijeliti glavnom tužiocu određeni broj bodova, kako slijedi:

a) do 50%	ostvarene kolektivne norme	0 bodova;
b) 51–60%	ostvarene kolektivne norme	3 boda;
c) 61–70%	ostvarene kolektivne norme	6 bodova;
d) 71–80%	ostvarene kolektivne norme	9 bodova;
e) 81–90%	ostvarene kolektivne norme	11 bodova;
f) 91–100%	ostvarene kolektivne norme	13 bodova;
g) više od 100%	ostvarene kolektivne norme	15 bodova.

(3) Ostvarenu kolektivnu orijentacionu normu odjela čini aritmetička sredina ostvarenih orijentacionih normi svih tužilaca koji rade u tom odjelu, na osnovu koje će ocjenjivač dodijeliti zamjeniku glavnog tužioca odnosno šefu odjela određeni broj bodova u skladu sa stavom (2) ovog člana.

(4) Glavnom tužiocu, zamjeniku glavnog tužioca i šefu odjela u tužilaštvima koja nisu mogla ostvariti kolektivnu orijentacionu normu tužilaštva odnosno odjela zbog nedovoljnog broja predmeta u radu, bit će dodijeljeni bodovi na osnovu procenata predmeta u kojima je donijeta tužilačka odluka (procent riješenih predmeta), bez obzira na vrstu tužilačke odluke, u odnosu na broj predmeta u radu u periodu ocjenjivanja, kako slijedi:

a) do 50%	riješenih predmeta	0 bodova;
b) 51–60%	riješenih predmeta	3 boda;
c) 61–70%	riješenih predmeta	6 bodova;
d) 71–80%	riješenih predmeta	9 bodova;
e) 81–90%	riješenih predmeta	11 bodova;
f) 91–94%	riješenih predmeta	13 bodova;
g) 95–100%	riješenih predmeta	15 bodova.

(5) Iz obračuna procenta iz stava (4) ovog člana izuzimaju se KTN predmeti, kao i predmeti koji nisu obuhvaćeni planom rješavanja starih predmeta u tekućoj godini koji nisu riješeni u periodu ocjenjivanja, te predmeti koji nisu mogli biti riješeni s obzirom na vrijeme zaprimanja u tužilaštvo i zakonom propisane rokove za preuzimanje radnji u predmetu.

(6) Ocjenjivač će, prilikom utvrđivanja rezultata rada na osnovu stava (4) ovog člana, u svom izvještaju posebno navesti da je ocjenjivanje rada provedeno u okolnostima nedovoljnog broja predmeta u tužilaštvu, objasniti uzroke nastanka takvih okolnosti i obrazložiti bodovanje prema stavu (4) ovog člana.

Član 32.

(Način računanja ostvarene kolektivne orijentacione norme tužilaštva i odjela)

(1) Ostvarena kolektivna orijentaciona norma tužilaštva ili odjela izračunava se kao aritmetička sredina pojedinačno ostvarenih godišnjih orijentacionih normi tužilaca u tužilaštvu ili odjelu shodnom primjenom člana 14. stav (1) ovih kriterija.

(2) Pojedinačna ostvarena godišnja orijentaciona norma tužilaca iz stava (1) ovog člana izračunava se u skladu s članom 12. Uputstva za primjenu Pravilnika o orijentacionim mjerilima za rad tužilaca u tužilaštvima u Bosni i Hercegovini.

Član 33.

(Kolektivni kvalitet odluka tužilaštva i odjela tužilaštva)

Ostvareni kolektivni kvalitet odluka tužilaštva odnosno odjela izražava se kao:

- a) odnos ukupnog broja podignutih optužnica i broja pravosnažnih rješenja o odbijanju optužnica, i odnos ukupnog broja podnesenih prijedloga za izricanje odgojnih mjera i maloljetničkog zatvora i ukupnog broja prihvaćenih odnosno neprihvaćenih prijedloga;
- b) odnos ukupnog broja naredbi o neprovođenju istrage i naredbi o obustavi istrage i ukupnog broja konačnih rješenja glavnog tužioca o usvajanju i odbijanju pritužbi na ove naredbe, u ocjenjivanom periodu.

Član 34.

(Kolektivni kvalitet optužnica tužilaštva i odjela tužilaštva)

Na osnovu ostvarenog kolektivnog kvaliteta odluka tužilaštva odnosno odjela iz člana 33. tačka a) ovih kriterija, ocjenjivač će dodijeliti glavnom tužiocu, zamjeniku glavnog tužioca odnosno šefu odjela određeni broj bodova, kako slijedi:

- | | | | |
|-------------------|--|------------------|------------|
| a) preko 10% | nepotvrđenih optužnica, neprihvaćenih prijedloga | te ukupnog broja | 0 bodova; |
| b) od 6,01 do 10% | nepotvrđenih optužnica, neprihvaćenih prijedloga | te ukupnog broja | 4 boda; |
| c) od 3,01 do 6% | nepotvrđenih optužnica, neprihvaćenih prijedloga | te ukupnog broja | 8 bodova; |
| d) od 0,01 do 3% | nepotvrđenih optužnica, neprihvaćenih prijedloga | te ukupnog broja | 12 bodova; |
| e) 0% | nepotvrđenih optužnica, neprihvaćenih prijedloga | te ukupnog broja | 15 bodova. |

Članak 35.

(Kolektivni kvalitet naredbi o neprovođenju i obustavi istraga)

(1) Kolektivni kvalitet naredbi o neprovođenju istrage i naredbi o obustavi istrage utvrđuje se na osnovu ukupnog broja ovih odluka koje su donijete u ocjenjivanom periodu i ukupnog broja konačnih rješenja o uvažavanju pritužbi na ove naredbe koja glavni tužilac donese u ocjenjivanom periodu, na sljedeći način:

- | | | |
|---------------------|--|------------|
| a) preko 10% | uvažanih pritužbi od ukupnog broja naredbi | 0 bodova; |
| b) od 7,51 do 10% | uvažanih pritužbi od ukupnog broja naredbi | 4 boda; |
| c) od 5,01 do 7,50% | uvažanih pritužbi od ukupnog broja naredbi | 8 bodova; |
| d) od 2,51 do 5% | uvažanih pritužbi od ukupnog broja naredbi | 12 bodova; |
| e) od 0 do 2,50% | uvažanih pritužbi od ukupnog broja naredbi | 15 bodova. |

(2) Kolektivni kvalitet naredbi o neprovođenju istrage i naredbi o obustavi istrage na predmetima privrednog kriminala, organiziranog kriminala, korupcije i ratnih zločina ocjenjuje se na osnovu ukupnog broja ovih odluka koje su donijete u ocjenjivanom periodu i ukupnog broja konačnih rješenja o uvažavanju pritužbi na ove naredbe koja glavni tužilac donese u ocjenjivanom periodu, na sljedeći način:

a) preko 20%	uvažениh pritužbi od ukupnog broja naredbi	0 bodova;
b) od 10,01 do 20%	uvažениh pritužbi od ukupnog broja naredbi	4 boda;
c) od 6,01 do 10%	uvažениh pritužbi od ukupnog broja naredbi	8 bodova;
d) od 3,01 do 6%	uvažениh pritužbi od ukupnog broja naredbi	12 bodova;
e) do 3%	uvažениh pritužbi od ukupnog broja naredbi	15 bodova.

(3) U broj naredbi tužioca o neprovođenju istrage i naredbi o obustavi istrage ne ubrajaju se naredbe koje tužioci donesu u KTN predmetima (predmeti konkretnog krivičnog djela s nepoznatim počiniocem iz oblasti općeg kriminala).

(4) Ako tužilaštvo odnosno odjel nije imalo nijednu pritužbu na donesene naredbe o neprovođenju i obustavi istrage, glavnom tužiocu, zamjeniku glavnog tužioca i šefu odjela dodijelit će se 15 bodova.

(5) Konačnim rješenjem o uvažavanju pritužbe iz stava (1) i (2) ovog člana smatra se rješenje o uvažavanju pritužbe koje je donio glavni tužilac, a na koje rješenje o uvažavanju pritužbe nije podnesen prigovor, odnosno pritužba Federalnom tužilaštvu Federacije Bosne i Hercegovine i Republičkom javnom tužilaštvu Republike Srpske. Ukoliko je podnesen prigovor, odnosno pritužba na rješenje o uvažavanju pritužbe glavnog tužioca, konačnim rješenjem o uvažavanju pritužbe se smatra rješenje o uvažavanju pritužbe koje donese glavni tužilac Federalnog tužilaštva Federacije Bosne i Hercegovine i Republičkog javnog tužilaštva Republike Srpske.

(6) Konačnim rješenjem o uvažavanju pritužbe iz stava (1) i (2) ovog člana posebnih odjela entitetskih tužilaštava smatra se rješenje o uvažavanju pritužbe koje je donio glavni entitetski tužilac.

Član 36.

(Način računanja ostvarenih bodova po osnovu ostvarenog kolektivnog kvaliteta odluka tužilaštva i odjela tužilaštva)

(1) Ostvareni kolektivni kvalitet odluka tužilaštva odnosno odjela utvrđuje se na osnovu ostvarenog kolektivnog kvaliteta optužnica i ostvarenog kolektivnog kvaliteta naredbi o neprovođenju i obustavi istraga tako što se ustanovi prosječna vrijednost ostvarenih bodova na osnovu člana 34. i ostvarenih bodova na osnovu člana 35. ovih kriterija.

(2) Rezultati tužilaštva odnosno odjela po osnovu ostvarenog kolektivnog kvaliteta odluka boduju se po jednoj od odredaba kriterija koje su navedene u stavu (1) ovog člana ako tužilaštvo odnosno odjel u toku perioda ocjenjivanja nije donosilo neke od odluka koje su predviđene u tim odredbama.

(3) Glavnom tužiocu, zamjeniku glavnog tužioca i šefu odjela dodijelit će se 15 bodova na osnovu ostvarenog kolektivnog kvaliteta odluka ako nije radio na predmetima koji podliježu provjeri kvaliteta, a radi se o predmetima koji su normirani po Pravilniku o orijentacionim mjerilima za rad tužilaca u tužilaštvima u Bosni i Hercegovini.

ODJELJAK C – ELEMENTI OCJENE ORGANIZACIJE I RUKOVOĐENJA RADOM TUŽILAŠTVA
ODNOSNO ODJELA

Član 37.

(Organizacija i rukovođenje radom tužilaštva)

(1) Glavnom tužiocu za organizaciju i rukovođenje radom tužilaštva bodovi će se dodijeliti na osnovu procjene ocjenjivača, uzimajući u obzir sljedeće parametre:

- a) izvršenje godišnjeg plana rada tužilaštva donesenog u skladu s članom 6. Pravilnika o orijentacionim mjerilima za rad tužilaca u tužilaštvima u Bosni i Hercegovini do 5 bodova;
- b) izvršenje godišnjeg plana tužilaštva za rješavanje starih predmeta (prijava i istraga) prema članu 6. Pravilnika o orijentacionim mjerilima za rad tužilaca u tužilaštvima u Bosni i Hercegovini do 5 bodova;
- c) osigurani jednaki uslovi za rad svim tužiocima u tužilaštvu u smislu ravnomyernog zaduženja tužilaca predmetima po broju i složenosti/strukturi, kao i ujednačenost administrativno-stručne podrške i ostalih uslova za nesmetan rad tužilaca do 3 boda;
- d) davanje obaveznih uputstava zamjenicima glavnih tužilaca, šefovima odjela i tužiocima i njihova realizacija, te održavanje Kolegija tužilaštva i odjela do 5 bodova;
- e) dosljedno provođenje nadzora nad postupanjem korisnika u cilju osiguranja tačnosti i ažurnosti unosa podataka u TCMS i izvještavanje višeg tužilaštva i postupanje po uputstvima višeg tužilaštva do 5 bodova;
- f) organiziranje saradnje s agencijama za provođenje zakona i drugim organima vezanim za rad na predmetima do 2 boda;
- g) u potpunosti blagovremeno riješene pritužbe na tužilačke odluke do 5 bodova.

(2) Glavnim tužiocima u tužilaštvima koja nemaju obavezu izrade plana rješavanja starih predmeta dodijelit će se 5 bodova za parametar iz stava (1) tačka b) ovog člana, pod uslovom da su se u rad uzimali predmeti po starosti inicijalnog akta.

(3) Na osnovu realizacije plana rješavanja starih predmeta odnosno predmeta iz akcionog plana za rad na predmetima ratnih zločina iz stava (1) tačka b) ovog člana, glavnom tužiocu će se dodijeliti određeni broj bodova, kako slijedi:

- a) do 50% realizacije plana 0 bodova;
- b) 51 – 65% realizacije plana 1 bod;
- c) 66 – 80% realizacije plana 2 boda;
- d) 81 – 90% realizacije plana 3 boda;
- e) 91 – 95% realizacije plana 4 boda;
- f) 96 – 100% realizacije plana 5 bodova.

(4) Prema stavu (1) tačka g) ovog člana a na osnovu broja predmeta u kojima je u periodu ocjenjivanja rok za rješavanje pritužbi neopravdano prekoračen prema stavu (5) i (6) ovog člana, glavnom tužiocu će se dodijeliti određeni broj bodova, kako slijedi:

- | | | | |
|----|----------|--|-----------|
| a) | preko 40 | predmeta u kojima je prekoračen rok za rješavanje pritužbi | 0 bodova; |
| b) | 31 – 40 | predmeta u kojima je prekoračen rok za rješavanje pritužbi | 1 bod; |
| c) | 21 – 30 | predmeta u kojima je prekoračen rok za rješavanje pritužbi | 2 boda; |
| d) | 11 – 20 | predmeta u kojima je prekoračen rok za rješavanje pritužbi | 3 boda; |
| e) | 1 – 10 | predmeta u kojima je prekoračen rok za rješavanje pritužbi | 4 boda; |
| f) | 0 | predmeta u kojima je prekoračen rok za rješavanje pritužbi | 5 bodova. |

(5) Blagovremeno riješenom pritužbom smatra se pritužba riješena u skladu sa odredbama važećih zakonskih propisa kojima su regulisani rokovi za rješavanje pritužbi ili odredbama podzakonskih propisa donesenim od strane nadležnog tužilaštva, a kojima su regulisani rokovi za rješavanje pritužbi.

(6) Ukoliko rokovi za rješavanje pritužbi nisu definisani važećim odredbama zakonskih ili podzakonskih propisa shodno stavu (5) ovog člana blagovremeno riješenom pritužbom u smislu Kriterija za ocjenjivanje smatra se pritužba riješena u roku od 1 (jednog) mjeseca, a najduže u roku od 3 (tri) mjeseca nakon njenog prijema u tužilaštvo.

(7) Glavni tužilac će na obrascu koji propisuje VSTV BiH posebno navesti opravdane razloge za predmete u kojim su u toku perioda ocjenjivanja prekoračeni rokovi za rješavanje pritužbi predviđeni propisima iz stava (5) ovog člana, odnosno rokovi za rješavanje pritužbi predviđeni stavom (6) ovog člana.

Član 38.

(Organizacija i rukovođenje radom odjela)

(1) Zamjenicima glavnih tužilaca i šefovima odjela za organizaciju i rukovođenje radom odjela bodovi će se dodijeliti na osnovu procjene ocjenjivača, uzimajući u obzir sljedeće parametre:

- | | | |
|----|---|--------------|
| a) | izvršenje godišnjeg plana rada odjela donesenog u skladu s članom 6. Pravilnika o orijentacionim mjerilima za rad tužilaca u tužilaštvima u Bosni i Hercegovini | do 5 bodova; |
| b) | izvršenje godišnjeg plana odjela za rješavanje starih predmeta (prijava i istraga) prema članu 6. Pravilnika o orijentacionim mjerilima za rad tužilaca u tužilaštvima u Bosni i Hercegovini | do 5 bodova; |
| c) | osigurani jednaki uslovi za rad svim tužiocima u odjelu u smislu ravnomjernog zaduženja tužilaca predmetima po broju i složenosti/strukturi, kao i ujednačenost administrativno-stručne podrške i ostalih uslova za nesmetan rad tužilaca | do 3 boda; |
| d) | davanje obaveznih uputstava šefovima odjela i tužiocima i njihova realizacija, te održavanje Kolegija odjela | do 5 bodova; |
| e) | organiziranje saradnje s agencijama za provođenje zakona i drugim organima vezanim za rad na predmetima | do 2 boda. |

(2) Zamjenicima glavnih tužilaca i šefovima odjela u tužilaštvima koja nemaju obavezu izrade plana rješavanja starih predmeta dodijelit će se 5 bodova za parametar iz stava (1) tačka b) ovog člana, pod uslovom da su se u rad uzimali predmeti po starosti inicijalnog akta.

(3) Na osnovu realizacije plana rješavanja starih predmeta odnosno predmeta iz akcionog plana za rad na predmetima ratnih zločina iz stava 1 tačka b) ovog člana, zamjeniku glavnog tužioca i šefu odjela dodijelit će se određeni broj bodova, kako slijedi:

a)	do 50%	realizacije plana	0 bodova;
b)	51 – 65%	realizacije plana	1 bod;
c)	66 – 80%	realizacije plana	2 boda;
d)	81 – 90%	realizacije plana	3 boda;
e)	91 – 95%	realizacije plana	4 boda;
f)	96 – 100%	realizacije plana	5 bodova.

POGLAVLJE V – ELEMENTI OCJENE RADA PRVOG ZAMJENIKA I ZAMJENIKA – RUKOVODIOCA ODJELA OPĆE NADLEŽNOSTI FEDERALNOG TUŽILAŠTVA FEDERACIJE BOSNE I HERCEGOVINE I ZAMJENIKA OPĆEG ODJELJENJA REPUBLIČKOG JAVNOG TUŽILAŠTVA REPUBLIKE SRPSKE

Član 39.

(Elementi ocjene rada)

(1) Prvi zamjenik i zamjenik – rukovodilac odjela Opće nadležnosti Federalnog tužilaštva Federacije Bosne i Hercegovine i zamjenik Općeg odjela Republičkog javnog tužilaštva Republike Srpske ocjenjivat će se po sljedećim elementima ocjene rada:

- a. ostvarena ažurnost i efikasnost rada na predmetima prema članu 17. stav (1) Pravilnika o orijentacionim mjerilima za rad tužilaca u tužilaštvima u Bosni i Hercegovini;
- b. analitička ocjena kvaliteta rada na predmetima;
- c. kolektivni rezultati rada Općeg odjela.

(2) Bodovanje rezultata rada iz stava (1) ovog člana obavlja se na sljedeći način:

- | | | |
|----|---|--------------------|
| a) | individualno ostvarena ažurnost i efikasnost rada na predmetima | od 0 do 20 bodova; |
| b) | individualna analitička ocjena kvaliteta rada na predmetima | od 0 do 30 bodova; |
| c) | kolektivni rezultati rada Općeg odjela | od 0 do 50 bodova. |

Član 40.

(Individualno ostvarena ažurnost i efikasnost)

(1) Na osnovu ostvarene ažurnosti i efikasnosti prvom zamjeniku i zamjeniku – rukovodiocu odjela Opće nadležnosti Federalnog tužilaštva Federacije Bosne i Hercegovine i zamjeniku Općeg odjela Republičkog javnog tužilaštva Republike Srpske, prema članu 17. stav (1) Pravilnika o orijentacionim mjerilima za rad tužilaca u tužilaštvima u BiH, dodijelit će se sljedeći broj bodova:

- a) ostvarena ažurnost u iznosu do 50% zaduženih predmeta na kraju godine 0 bodova;
- b) ostvarena ažurnost u iznosu od 51-60% zaduženih predmeta na kraju godine 4 boda;
- c) ostvarena ažurnost u iznosu od 61-70% zaduženih predmeta na kraju godine 8 bodova;
- d) ostvarena ažurnost u iznosu od 71-80% zaduženih predmeta na kraju godine 10 bodova;
- e) ostvarena ažurnost u iznosu od 81-90% zaduženih predmeta na kraju godine 14 bodova;
- f) ostvarena ažurnost u iznosu od 91-94% zaduženih predmeta na kraju godine 18 bodova;
- g) ostvarena ažurnost u iznosu od 95-100% zaduženih predmeta na kraju godine 20 bodova.

(2) U procenat ostvarenog stepena ažurnosti ocjenjivanom zamjeniku glavnog tužioca neće se uzeti u obzir predmeti koji nisu riješeni na kraju godine iz objektivnih razloga, što je ocjenjivač dužan utvrditi na objektivan i dokumentovan način i o tome dati obrazloženje.

Član 41.

(Analitička ocjena kvaliteta rada)

(1) Analitička ocjena kvaliteta rada prvog zamjenika i zamjenika – rukovodioca odjela Opće nadležnosti Federalnog tužilaštva Federacije Bosne i Hercegovine i zamjenika Općeg odjela Republičkog javnog tužilaštva Republike Srpske, utvrđuje se na osnovu sljedećih elemenata:

- a) kvalitet datih pravnih mišljenja i datih uputstava u vršenju nadzora na osnovu odredbi Zakona o Federalnom tužilaštvu Federacije Bosne i Hercegovine i Zakona o javnim tužilaštvima Republike Srpske, sposobnosti rješavanja kompleksnih pravnih problema;
- b) sposobnost obavljanja tužilačkog posla u zastupanju pred nadležnim vrhovnim sudom;
- c) kvalitet i sadržajnost datih mišljenja u fazi izjašnjavanja po žalbama u predmetima pred Vrhovnim sudom Federacije Bosne i Hercegovine, odnosno Vrhovnim sudom Republike Srpske;
- d) efikasnost i djelotvornost radnji koje preduzima u okviru nadležnosti;
- e) kvalitet pisanja i objašnjenja izjavljenih pravnih lijekova;
- f) poštivanje zakonskih rokova i rokova propisanih uputstvima glavnog tužioca u radu na predmetima.

(2) Analitička ocjena kvaliteta utvrđuje se na osnovu pregleda ukupno 4 (četiri) predmeta i to 3 (tri) nasumično odabrana predmeta iz perioda ocjenjivanja i 1 (jednog) predmeta koji odabere ocjenjivani zamjenik glavnog tužioca.

Član 42.

(Izrada analitičke ocjene)

(1) Zamjeniku glavnog tužioca će se po svakom elementu iz člana 41. stav (1) ovih kriterija za tačke a) do f) dodijeliti bodovi: 0, 1, 2, 3 ili 5 bodova:

- a) za 5 bodova – obrazloženje mora sadržavati razloge iz kojih proizilazi da je ocjenjivani tužilac postigao vanredni rezultat posmatrano po elementima analitičke ocjene.
- b) za 3 boda – obrazloženje mora sadržavati razloge iz kojih proizilazi da je ocjenjivani tužilac postigao natprosječni rezultat posmatrano po elementima analitičke ocjene.
- c) za 2 boda – obrazloženje mora sadržavati razloge iz kojih proizilazi da je ocjenjivani tužilac postigao prosječni rezultat posmatrano po elementima analitičke ocjene.
- d) za 1 bod – obrazloženje mora sadržavati razloge iz kojih proizilazi da je ocjenjivani tužilac postigao ispodprosječni rezultat posmatrano po elementima analitičke ocjene.
- e) za 0 bodova – obrazloženje mora sadržavati razloge iz kojih proizilazi da je ocjenjivani tužilac postigao nezadovoljavajući rezultat posmatrano po elementima analitičke ocjene.

(2) Ukoliko zamjenik glavnog tužioca u toku perioda ocjenjivanja nije podnosio pravne lijekove dodijeliti će mu se po elementima iz člana 41. stav (1) ovih kriterija, tačke a) – d) i f) bodovi: 0, 2, 3, 4 ili 6 bodova:

- a) za 6 bodova – obrazloženje mora sadržavati razloge iz kojih proizilazi da je ocjenjivani tužilac postigao vanredni rezultat posmatrano po elementima analitičke ocjene.
- b) za 4 boda – obrazloženje mora sadržavati razloge iz kojih proizilazi da je ocjenjivani tužilac postigao natprosječni rezultat posmatrano po elementima analitičke ocjene.
- c) za 3 boda – obrazloženje mora sadržavati razloge iz kojih proizilazi da je ocjenjivani tužilac postigao prosječni rezultat posmatrano po elementima analitičke ocjene.
- d) za 2 boda – obrazloženje mora sadržavati razloge iz kojih proizilazi da je ocjenjivani tužilac postigao ispodprosječni rezultat posmatrano po elementima analitičke ocjene.
- e) za 0 bodova – obrazloženje mora sadržavati razloge iz kojih proizilazi da je ocjenjivani tužilac postigao nezadovoljavajući rezultat posmatrano po elementima analitičke ocjene.

Član 43.

(Kolektivni radni rezultati Općeg odjela)

Bodovi po osnovu kolektivnih radnih rezultata Općeg odjela dodjeljuju se na osnovu evidencija iz člana 17. Pravilnika o orijentacionim mjerilima za rad tužilaca u tužilaštvima u Bosni i Hercegovini prema slijedećoj skali:

- | | |
|--|------------|
| a) ostvarena ažurnost odjela u iznosu do 50% zaduženih predmeta na kraju godine | 0 bodova; |
| b) ostvarena ažurnost odjela u iznosu od 51 – 60% zaduženih predmeta na kraju godine | 8 bodova; |
| c) ostvarena ažurnost odjela u iznosu od 61 – 70% zaduženih predmeta na kraju godine | 16 bodova; |
| d) ostvarena ažurnost odjela u iznosu od 71 – 80% zaduženih predmeta na kraju godine | 25 bodova; |

- | | |
|--|------------|
| e) ostvarena ažurnost odjela u iznosu od 81 – 90%
zaduženih predmeta na kraju godine | 33 boda; |
| f) ostvarena ažurnost odjela u iznosu od 91 – 94%
zaduženih predmeta na kraju godine | 41 bod; |
| g) ostvarena ažurnost odjela u iznosu od 95 – 100%
zaduženih predmeta na kraju godine | 50 bodova. |

POGLAVLJE VI – UTVRĐIVANJE OCJENE RADA

Član 44.

(Utvrđivanje ocjene rada)

(1) Ocjena rada glavnog tužioca, zamjenika glavnog tužioca, prvog zamjenika i zamjenika – rukovodioca odjela Opće nadležnosti Federalnog tužilaštva Federacije Bosne i Hercegovine i zamjenika Općeg odjela Republičkog javnog tužilaštva Republike Srpske, i šefa odjela formira se na osnovu zbira bodova po pojedinačnim elementima ocjenjivanja, kako slijedi:

- | | |
|--------------------|---|
| a) 0 – 50 bodova | nezadovoljavajuće obavlja funkciju glavnog tužioca, zamjenika glavnog tužioca, šefa odjela; |
| b) 51 – 64 boda | zadovoljavajuće obavlja funkciju glavnog tužioca, zamjenika glavnog tužioca, šefa odjela; |
| c) 65 – 80 bodova | dobro obavlja funkciju glavnog tužioca, zamjenika glavnog tužioca, šefa odjela; |
| d) 81 – 94 boda | uspješno obavlja funkciju glavnog tužioca, zamjenika glavnog tužioca, šefa odjela; |
| e) 95 – 100 bodova | izuzetno uspješno obavlja funkciju glavnog tužioca, zamjenika glavnog tužioca, šefa odjela. |

(2) U slučaju da glavni tužilac nije obavezan neposredno raditi na predmetima, ocjena se utvrđuje kako slijedi:

- | | |
|-------------------|---|
| a) 0 – 30 bodova | nezadovoljavajuće obavlja funkciju glavnog tužioca; |
| b) 31 – 38 bodova | zadovoljavajuće obavlja funkciju glavnog tužioca; |
| c) 39 – 47 bodova | dobro obavlja funkciju glavnog tužioca; |
| d) 48 – 55 bodova | uspješno obavlja funkciju glavnog tužioca; |
| e) 56 – 60 bodova | izuzetno uspješno obavlja funkciju glavnog tužioca. |

(3) Ocjena rada specijalnog tužioca i posebnog zamjenika glavnog federalnog tužioca utvrđuje se kako slijedi:

- | | |
|-------------------|---|
| a) 0 – 25 bodova | nezadovoljavajuće obavlja funkciju specijalnog tužioca i posebnog zamjenika glavnog federalnog tužioca; |
| b) 26 – 32 boda | zadovoljavajuće obavlja funkciju specijalnog tužioca i posebnog zamjenika glavnog federalnog tužioca; |
| c) 33 – 39 bodova | dobro obavlja funkciju specijalnog tužioca i posebnog zamjenika glavnog federalnog tužioca; |
| d) 40 – 46 bodova | uspješno obavlja funkciju specijalnog tužioca i posebnog zamjenika glavnog federalnog tužioca; |

- e) 47 – 50 bodova izuzetno uspješno obavlja funkciju specijalnog tužioca i posebnog zamjenika glavnog federalnog tužioca.

Član 45.

(Mjere za unapređenje rada)

(1) Ocjenjivač je dužan u svojoj ocjeni rada navesti pojašnjenje radnih rezultata, moguće i potrebne mjere za unapređenje rada glavnog tužioca/zamjenika glavnog tužioca, šefa odjela koji je ocijenjen sa ocjenom rada „nezadovoljavajuće obavlja funkciju glavnog tužioca/zamjenika glavnog tužioca, šefa odjela” ili „zadovoljavajuće obavlja funkciju glavnog tužioca/zamjenika glavnog tužioca, šefa odjela”, kao što su organizacija interne edukacije u tužilaštvu, dodatna specifična obuka i slično.

(2) Ocjenjivač može u svojoj ocjeni rada navesti i mjere za unapređenje rada glavnog tužioca/zamjenika glavnog tužioca, šefa odjela koji su ocijenjeni sa ocjenom rada „dobro obavlja funkciju glavnog tužioca/zamjenika glavnog tužioca, šefa odjela ” ili „uspješno obavlja funkciju glavnog tužioca/zamjenika glavnog tužioca, šefa odjela”.

Član 46.

(Postupak ocjenjivanja)

Sadržaj obrazaca za ocjenu rada, postupak ocjenjivanja, podnošenje prigovora na ocjenu rada i odlučivanje po prigovoru na ocjenu rada uredit će se posebnim propisima koje donosi VSTV BiH.

POGLAVLJE VII – PRIJELAZNE I ZAVRŠNE ODREDBE

Član 47.

(Obavezujuća tumačenja)

VSTV BiH davat će tumačenja u pogledu pitanja koja se odnose na primjenu kriterija.

Član 48.

(Prestanak važenja)

Kriteriji za ocjenu rada glavnih tužilaca, zamjenika glavnih tužilaca i šefova odjela u Bosni i Hercegovini („Službeni glasnik BiH”, broj 85/22) prestat će važiti nakon što se okonča postupak ocjenjivanja rada za 2024. godinu.

Član 49.

(Stupanje na snagu)

(1) Kriteriji stupaju na snagu danom njihovog objavljivanja u „Službenom glasniku BiH”, a primjenjivat će se počev od 01.01.2025. godine.

(2) Obrasci koji su predviđeni ovim kriterijima bit će objavljeni na internet portalu VSTV BiH.

Broj: 06-09-1-4464-2/2024
Sarajevo, 18.12.2024. godine

